

四庫全書

集部

欽定四庫全書

集部

草澤狂歌卷五

詳校官庶吉士臣李傳熊

中書臣劉源溥覆勘

覆校官中書臣張虎拜

校對官原任典簿臣郭祚熾

謄錄監生臣連彭年

欽定四庫全書

草澤狂歌卷四

七言律詩

送林大歸

歲晏山空落葉深
臨歧那忍重分衿
扁舟不載同歸夢
片月空懸遠別心
去住誰為悲客路
東西總是失家林
為予歸去逢知己
但道平安是好音

明 王恭 撰

用韵答林大

正爾交情似海深，不堪離別淚沾衿。
幾回見雁思鄉信，千里移家共客心。
新酒黃花連夜榻，秋風寒夜響楓林。
天涯共住同蕭索，莫惜逢人寄遠音。

邢逸人寒夜見過

每憶家林結弟兄，別來空感故鄉情。
天涯白首重相見，客裏殘觴且共傾。
積雪寒江楓盡落，猿孤嶂月偏明。
十年滄海多離別，豈必今宵淚滿纓。

答梅江陳以方

先生清隱謝浮名，數畝山田也自耕。
家近鄰洲饒蠲舍，客留鄉館有魚羹。
寒山對酒同誰賞，野寺尋鐘慣獨行。
遙枉新詩問流俗，相思一夜斷猿聲。

秋日留別劉大

十年分手隔山川，乍見那堪又別筵。
白髮醉看青鏡裏，黃花飄近羽觴前。
雙湖積水啼孤雁，獨樹高原咽亂蟬。
何事最關離恨切，月明重語舊箏絃。

年少與君輕別離肯將清淚洒臨歧那堪短褐飄蓬後
不似寒牕剪韭時遙夜客心懸絡緯隔簾霜影動辛夷
十年此會仍分手何得離尊復共持

別劉山人

十年身世尚間關客裏逢花好是閑連雁晚來何處下
孤舟江上幾時還寒雲野寺愁中雨疊嶂青猿夢裏山
流浪未成歸隱計對君空有淚潺湲

梅花城觀兵

宛馬蕭蕭鳴北風時平閑却射雕弓
千家山郭潮聲裏
幾曲營門柳影中
道滿旌麾嚴虎帳
廟喧簫鼓祀龍宮
玉門定遠遙堪羨
白首爲儒感慨同

梅城夜泊

澤國秋風旅雁飛
海天愁思正依依
孤城背嶺閑吹笛
白露橫江又濕衣
砧杵遠村寒事早
市橋殘火夜漁歸
興來且醉梅江月
遮莫鄉原落夢微

梅江旅夕

澄江如練繞楓林
仙嶠橫江帶夕陰
秋滿山城飛一雁
門臨潮水抵千金
白雲幾處懷親夢
黃葉他鄉在客心
無那愁腸偏愛酒
戍樓寒鼓又霜砧

中秋對月

風笛樓前萬葉乾
碧天如水浩漫漫
鴻聲遠度黃姑小
兔影斜臨玉鏡寒
塞北將軍空倚恨
湘南遊子莫凭欄
異鄉今夜堪惆悵
何處明年更獨看

客中歌越調

遙村燈火絕人行一曲淒涼對月明
山葉下時孤雁冷鄰雞啼斷百蟲鳴
黃沙磧裏霜天夢白草邊頭日暮情
欲變商音誰感激滿天涼雨送餘聲

經馮氏先塋

音容別後遠悠悠寥落他鄉土一坏野水寒禽空對客
夕陽紅樹更闌愁手披荒草孤墳在淚洒殘梅一笛秋
淮海十年多少恨幾人歸葬故山頭

行次海上

晚風吹酒動離顏
別路蕭條草樹間
積水亂流疑夢渚
一峯中斷似君山
鷄鳴海曙寒潮小
雁引秋聲落葉閑
行李飄飄又何往
暮雲飛鳥也知還

別林十一恭并馮生二女兒

逢君江上草萋萋
久客將歸路欲迷
日暮孤舟空蕩漾
天涯斗酒又分攜
青楓孤嶼潮聲小
積雨芳洲蕙葉齊
親愛重逢更何日
野雲流水隔東西

行次淮安甘蔗因悼同門友被譴沒于京

傷心不見舊同遊
離思蕭蕭醉未休
暮雨門臨青蕨圃
夕陽潮到白沙洲
幾家烟火遺民在
千里江陵去國愁
莫怪行人倍惆悵
羊曇何事泣西州

寄清江隱人

平遠臺中醉盍簪
粵王臺上惜分襟
單車映月經槐里
孤棹移家入桂林
滄海到來無舊業
白雲歸後更何心
豪華近付東流水
誰笑閑門碧草深

秋半山

南北雲來孤嶼青
島花苔葉露先零
天涯月出人隨影
夜半幽林犬吠螢
僧榻焚香留偈別
軍城吹笛帶愁聽
遙憐舊好佳期在
應買黃壚醉未醒

宿陳八家樓

世上悠悠多棄貧
惟君高誼始相親
昇沈獨恨長沙別
南北誰憐失路人
吹笛關山明月上
到樓鐘鼓夢家頻
江湖風浪連城起
何處飄飄托此身

西林感舊

十年重過謝公樓，千里離心感舊遊。
江上行人孤笛晚，路傍離黍幾家秋。
浮雲世事如春夢，流水年光易白頭。
別後芳原那可問，寒猿野鳥自堪愁。

懷劉君弟從京口軍

別離江上語依依，黃葉原頭雪漸飛。
孤劔獨隨邊將遠，封書遙寄塞鴻歸。
蘭陵夜靜休聞笛，北固天寒正搥衣。
何處看雲倍惆悵，野猿湖水舊山扉。

書懷簡劉大

客庭風雨似秋天轉憶浮生事渺然
病髮到來同落葉故園歸去是何年
淒涼塵夢遙鐘外迢遞鄉心夕鳥邊
萍水不堪沉浪遠此行偏動故人憐

二

海上殘春積雨香旅懷誰爲落花傷
未須對酒驚蓬鬢且喜移家近草堂
匹馬寒原香漸遠百蟲孤館夜偏長
太常峯頂閑宵月盡付離人照斷腸

書林二宅洋江春曉圖

東風閒颺薜蘿衣
水國蒼茫共掩扉
砧杵曉聲寒外盡
關河春色鳥邊歸
叢蘭露下湘魂遠
深樹雲來楚望微
惟羨長吟北牕裏
風流寧減謝玄暉

別朱大

木香花發是清明
杜宇聲來減客情
遠道春深那忍別
一樽江上且同傾
青塘白馬門空掩
積雨寒山暮獨行
相識非君相慰藉
亂離心事有誰平

金史四庫全書
卷四
挽林隱逸

家住雙旌久不回一瓢江上獨傾懷
篝燈坐聽風林雨總帳閒荒藥徑苔
西州別後羊曇泣楚澤春深宋玉哀
我欲持觴酌芳草夕陽何處是泉臺

送友人流西源

鳳林關路遠悠悠惆悵行人過陝州
渭水寒流秦塞晚灞亭殘雨漢原秋
玉門壁壘行應遍白葦黃榆夢亦愁
江海同人今已盡南冠何事到君頭

白雲菴

白雲深處舊岩扉
苔蘚蒼蒼一徑微
翠壁紅泉分鳥道
石林精舍掛僧衣
三峯月出聞猿斷
五粒松香見鶴飛
今日置身千仞表
了然心地發清機

贈劉友

仲蔚門深遠
市塵隱居何用嘆
清貧薄田歲歲聊供祀
先壠青青只近隣
夜織燈前催婦早
曉書簾下課兒頻
林泉茲事仍堪樂
猶勝支離笑此身

題墨梅烟月景

林下花香雪更繁
蕭條苔徑共誰看
空香半入閑僧定
霜影全侵夢鶴閒
任逐隣歌江上發
恐隨邊笛月中殘
故人天外遥相憶
欲寄南枝愧獨難

題歐陽明府江山草堂卷

闕源山下草堂開
竹杖黃冠日往迴
雨帶新潮低捲幔
雲連孤島落銜盃
閑棋每憶林間榻
靜釣猶思石上苔
嘉政只令人共說
未應陶令賦歸來

送劉監生還京

官船一棹大江流，才子還京賦遠遊。
帆帶夕蕪依御苑，夢隨涼月到家樓。
長淮雁影催寒曙，近郭砧聲報晚秋。
此度金門應早達，莫令鄉舍久淹留。

寄劉三知已

客居風景似湖南，長羨山中酒共酣。
歸夢幾回梧葉雨，懷人多在菊花潭。
空林野雪閑相待，魏闕青雲遠自慚。
聞說茂陵仍卧病，獨將心事問誰堪。

文筆山房為延平郡造士朱員賦

文筆山深隔翠微，清暉迢遞映書闈。
門臨絕澗逢人少，簾捲孤峯見雁飛。
四壁泉聲喧午夢，半簾藤影落秋衣。
潭津自昔多才俊，詞翰如君世所稀。

書番陽戴氏侍萱堂卷

樂平才子舊知名，曾是清朝被寵榮。
萱草別來應有夢，白雲頻望不勝情。
關河迢遞娛親舍，銅綬淹留近海城。
他日錦衣回首去，故園鄱水有餘清。

題岳陽樓壁

凌空飛構鬱嵯峨無那湘山暹樹柯雲夢曉烟隨鳥沒
洞庭秋色卷簾多靈妃鼓瑟聲猶遠仙侶題詩墨未磨
更借桓伊三弄笛倚闌聽斷暮鐘和

山水圖

城隅山水共清暉城下居人半掩扉遠樹微鐘隨去棹
夕嵐殘雨到行衣潮來絕島天邊小日落孤雲鳥外歸
為問滄浪垂釣者白頭何事未忘機

奉答陳滄州

朝來空館思依依
回首關河一葉飛
滄海斷鴻看又到
故山明月幾時歸
蕭條短髮臨青鏡
颯沓秋風度客衣
唯有滄州知己在
未應尊酒頓相違

春初憶故人

楊柳初青雁北歸
海天愁思共依微
青山悵別頻勞夢
野館逢人欲換衣
花外看雲孤興遠
溪邊對酒故人稀
相思更有前期在
未必同心與願違

齋居喜故人陳希名見過仍別去

勞君軒珮問荆扉客裏相逢思轉迷
芳草斷雲驚別久
青山明月舊遊非瀛洲迢遞愁中望
海樹蒼茫鳥外微
別後思君何處是荒原殘日草依依

竹下酌

遠攜壺榼上幽林竹裏行
厨共盞簪龍影亂浮瑤席潤
鳳毛低拂玉盃深潭心氣爽人難醉
谷口風微鳥自吟
更約抱琴重載酒風流何啻到山陰

江城夕眺

荒城百雉鬱嵯峨
城下風來湧漫波
雲靜遙天飛鳥迴
潮平孤嶼夕陽多
風帆點點迷烟樹
山磬迢迢度薜蘿
十二危闌都倚徧
關心無那月明何

夏日過周六園林因有茶瓜之會

鳳崗峯下舊荆扉
龍眼陰陰暑氣微
海上雲山迢遞見
林間車馬往來稀
風搖竹露沾紗帽
鳥蹴藤花墮客衣
不爲茶能留永日
主人談笑却忘歸

三山送客歸錢塘

無諸城外樹依依，乳酒山瓶送獨歸。
吳岳蒼茫天外出，浙河迢遞鳥邊微。
離心漠漠隨流水，征馬蕭蕭向落暉。
歸到故園明月夜，候門童子笑牽衣。

夏日過琳宮

瓊館迢迢隱碧岑，平時鐘磬出空林。
苔因暑氣侵仙帙，鶴伴閑雲對客簪。
小洞石泉香洗藥，古壇松樹淨橫琴。
欲談火棗交梨事，愧殺紅塵一片心。

過爐峯寺緇錫京行廊廡蕭然徘徊而還

西風鉞鉢去依依寂寞空門客至稀
花徑路苔行鳥跡竹林空翠濕人衣
翻經榻下餘殘葉施食臺中半夕暉
惆悵松枝猶未偃却令玄度獨行歸

送邑造士貢京師

朝逢遊子拂征鞍花嶼江城解珮環
供帳早鶯啼越岸驛程春樹繞淮山
金門燭影趨朝入璧水書生聽漏還
此後橋門應見月相思人在五雲間

春過岩泉寺

遠公瀟洒在東林竹裏閑扉隱翠岑
祇樹春來忘色相曇花空裏見禪心
白雲半嶺迷香界孤磬中峯出梵音
此地從來堪習隱浮生幾度得相尋

路傍柳

裊裊官亭黃柳枝乳鶯啼斷綠楊絲
影留年少看花騎色借隣姬賣酒旗
閨裏豈堪牕外見天涯誰忍笛中吹
托根不合臨長道空與行人贈別離

金匱山房詩集 卷四
題故人山房壁

薜蘿深隱似仙家，半畝荒園祇種茶。
澗口香泥行鳥跡，簾前春雨落松花。
遙鐘漠漠青林晚，遠瀑淙淙白日斜。
拂壁為君書此去，明朝相憶隔烟霞。

擬題黃鶴樓

黃鶴山前黃鶴樓，樓前江水古今流。
英雄寂寞餘芳草，鸚鵡淒涼但遠洲。
漢口月明鴻影度，武昌雲斷笛聲秋。
行人更莫頻登覽，銅輦時逢帝子遊。

送隣子為僧

朝捐初服製袈裟暮掃塵蹤便出家鉢洗維摩溪上月
心依支遁寺前霞林端引水時澆棗雨後燒山學種茶
待得蒲團成爛草少林枯樹也開花

送人使琉球

扶桑無路但行舟才子今持漢節遊自是皇威均雨露
故將冠冕化琉球風波浩蕩蠻天曉島嶼空濛瘴海秋
早晚星槎歸上國殊方休起見京樓

擬唐劉文房青谿口送人歸岳州

青谿柳色動離愁
江水蒼茫送客舟
兩岸斷烟看躑躅
半天微雨聽鉤輒
洞庭月傍君山曉
湘浦雲兼夢澤流
歸去故園如憶別
秋風應倚岳陽樓

送人之溫陵牧

溫陵出守君恩重
五馬頻嘶悵別難
斗酒不堪留客醉
一麾今去共誰譴
刺桐見月橫琴坐
金粟行春露冕看
但使甘棠公訟簡
香名應是到朝端

次塘行人擢浙江憲副

一經曾采泮池芳况是天朝被寵光宮柳遠隨驄馬色
苑花遙惜繡衣香雲開浙水騰秋隼天入荆蠻涌曉霜
莫向錢塘追故事六和高塔野烟涼

遊鼓山天風海濤亭

高亭上與翠微連漠漠風濤際海天吳越百城飛鳥外
琉球孤島斷雲邊靈源洞古人稀到青草池空鳳杳然
深愧遠公相問姓自非玄度亦逃禪

夏初登西石蘭若懷洽公

蘭若春歸雨霽天
凌空臺上獨聞蟬
岩扉碧蘚凝僧榻
林逕孤雲宿梵筵
祇樹陰陰啼野鳥
斷鐘杳杳出人烟
洽公住處今陳迹
日暮懸燈益惘然

擬唐王摩詰積雨輞川莊上

石林迢遞輞川斜
積雨烟空見棗花
翠壁紅泉分鳥道
白雲芳草半人家
木蘭柴口朝行藥
白石灘邊暮浣紗
纓冕向來真外事
欲從林叟問燒畬

仲夏過靈瑞招提

夜半青山有梵音
曉攜清興問珠林
烟霞路轉禪扉靜
薜荔花香野殿深
舊入影堂空嘆逝
新來釋子未知心
應憐法社荒涼久
祇苑何因復布金

寄鄭助教兼似胄監諸友

斗酒東城送別時
馬前楊柳綠烟絲
橋門到日聞鶯早
鄉信逢秋寄雁遲
璧水獨尋麟鳳去
故人誰與薜蘿期
為言六館諸才俊
好向春風折桂枝

晚晴登沙阜望海嶼偶賦

夕蕪殘雨半沙丘沙口行吟獨布裘幾處人烟分水國
數村魚鳥盡楓洲雲歸島嶼千峯白風遞江潮五月秋
榮辱升沈君莫問滄溟東逝更悠悠

借龍華琳宮避暑

避暑林扉興不窮仙家遙借翠微峯雲間鷄犬稀人跡
石上莓苔見鶴蹤水簾更尋花處月角中閑掛鳥邊松
自從心境清涼後却笑塵中萬事慵

送人遊武夷

閩州山水獨清暉
九曲仙源世所稀
劒浦夜天烟外小
幔亭溪樹鳥邊微
胡僧共飯驪珠鉢
羽士相逢薜荔衣
玉女峰南孤磬裡
知君今去欲忘歸

送陳延用任潮州郡幕

潮陽贊畫新恩重
斗酒臨歧且共懽
落日亭亭將別權
垂楊裊裊拂征鞍
蛇山斷草巒烟積
鰐渚滄波瘴雨殘
案牘清時貧似水
香名應是到朝端

送陳二林糧長運軍儲之海城

搜粟當年曾作尉富民何事亦封侯却令大姓專輸餉
誰信軍儲借上籌千里帆檣秔稻白百城烟水鼓鞞秋
仍聞部曲多窮卒此日遙分主將憂

擬唐竇遺夏夜宿表兄宅話舊

茉莉花香暑露清芰荷高館月微明傷心欲話他年舊
握手空驚此日情青鏡流年頭共白綠樽深夜酒同傾
預愁別路楓洲外千樹蟬聲送客行

聞士仁兄擢廣東邑令

佐縣吳江獨治繁曳裙無復在王門風霜不改平生節
雨露還沾此日恩馬首未應趨嶺徼鵲聲先爾到家園
白沙堤上如休騎須與連枝倒玉樽

秋日旅懷

西風殘葉帶荒溝旅館誰堪宋玉愁岐路自傷孤客暮
雲山空見斷鴻秋家林舊業餘青草萍梗生涯任白頭
幾度扁舟吹笛夜令人歸夢滿東流

粵城懷古

無諸建國古蠻州城下長江水漫流野燒荒陵啼鳥外
青山遺廟暮雲頭西風木葉空湟曙落日人烟古壘秋
借問屠龍舊蹤跡斷磯寒草不勝愁

題處士山房

數畝閑園一布衣薜蘿深處市聲稀酒醒別墅寒猿嘯
客散空林夜葉飛翠壁紅泉分藥徑清池白石映柴扉
長安道上多車馬何事丘園便息機

中秋宴集分韻得清字

廣寒宮殿涼如水坐對清暉欲二更但使玉樽頻注酒
莫令銀甲少彈箏窓含野燒明還滅簾捲星河淺復清
塵襪不禁風露冷恍然身世在蓬瀛

暮歸沙堤

十里黃沙海上頭數株榕葉半滄洲西風禾黍平侵戶
落日雲山遠帶樓雁影蕭蕭孤笛暮砧聲杳杳幾家秋
候門稚子牽衣笑不省微霜著敝裘

送王董教歸沔陽

祖道黃花白露寒
江亭澆酒悵離顏
春令共向沙頭別
鴻雁分飛雨外還
夢渚雲開三峽水
漢陽帆帶五華山
泮林此後應相憶
莫道王音滯楚關

灞陵衰柳

昨夜微霜落灞橋
數行官柳正蕭蕭
蕭聽鶯坐處空殘葉
繫馬門前有舊條
色借青娥雙晚黛
聲隨急吹度寒蛸
秦山送別那堪折
應把離情寄玉簫

擬盧允言晚次鄂州

日夕卸帆黃鶴浦
三湘夜色帶霜天
風鳴岸葉潮初落
月到船窓客未眠
隣笛淒涼臨野水
驛樓迢遞隱江烟
年年蹤跡猶萍梗
腸斷孤雲若箇邊

送人致政還吳中

朝辭印綬髮如霜
匹馬東還路渺茫
獨樹斷雲吳苑暮
孤城殘雨海天涼
秋風祖帳人難別
黃菊家林酒正香
早晚薜蘿花下醉
白雲飛近遂初堂

春日遊山寺

東林雨後樹蒼蒼
巾舄乘閑到上方
雙澗鳥鳴延語笑
半林花氣襲衣裳
機閑寶地禪俱寂
心寄空門累亦忘
自愧此身人代裏
何因棲遁遠公房

賦得牡丹因感舊遊同輩

洛陽城裏卸吟鞍
幾度侯門看牡丹
色借阿環嬌上馬
香分弄玉醉乘鸞
銅駝月色人何在
金谷春歸夢又殘
惆悵舊遊今寂寞
一枝濃艷共誰看

送僧遊天台

雁蕩天台東路遙，赤城霞色帶層標。
青山乞食林中晚，滄海浮盃夜半潮。
下界人烟分島嶼，上方鐘梵出雲霄。
塵蹤自愧迷津久，願得從師度石橋。

夏初登烏石蘭若懷洽公

宿雲臺下舊叢林，憶昨從師聽梵音。
燈影夜窺猿鳥近，茶烟風颺薜蘿深。
蕭條香界栖禪處，寥落空門嘆逝心。
欲問影堂何處是，桄榔孤樹一蟬吟。

贈老醫

賣藥囊中況有錢長桑親訣舊曾傳
心知肘後岐黃秘老向人間草木年
杏滿香林澄夕露桔垂秋井漾寒泉
祇令黃髮青山裏無那看雲日醉眠

與道人期不至

獨鶴孤雲無妬氛漫期飛旆到人群
林間半榻虛晴翠天外三花又夕曛
塵世幾回逢甲子青山何處訪茅君
想因醉倒麻姑酒辜負名香手自焚

擬唐姚合贈王尊師

羽客吹笙何處去
黃花古路薜蘿間
寥寥鷄犬雲中空
渺渺烟霞海上山
白鶴夜歸經欲盡
黃梁秋熟夢初還
塵生未免綵浮累
幾度逢師每厚顏

僧房燕別故人還山中

苔蘚蒼蒼野殿涼
別離遙借贊公房
雲間馴鶴窺瑤席
谷裏曇花泛羽觴
對酒不將萍梗恨
還山應製薜蘿香
江湖秋水多魚雁
思爾封緘寄草堂

舟次水驛寄關外同志

帆落秋風酒半醺
驛樓津樹大溪濱
夕陽鴻雁舟中見
明月梅花笛裏聞
獨客祇今猶浪迹
故人何處更離群
盍簪尚有清宵夢
只隔閩關一片雲

夢遊天台

赤城霞氣映秋山
萬仞丹梯夢裏攀
滄海猿啼風葉冷
石橋僧去暮雲閑
泉飛紺苑三花夕
天近瑤京一鶴還
何處微鐘霜外斷
覺來明月舊鄉關

送人赴衡州府推官

清獻曾聞尚節推，料君應與故人期。
且傾綠酒留簪珮，莫對黃花促路歧。
衡岳雨晴飛鳥外，瀟湘雲卷下簾時。
懸知官下多鄉思，回雁峰前好寄詩。

金陵客夜

官槐夾道暮鴉鳴，匹馬那堪客帝京。
紅燭夜窻千里夢，青山明月異鄉情。
白門寺裏霜鐘斷，金水橋頭曉漏清。
陌上相逢空借問，幾人爭識馬周名。

擬唐張文昌送汀州元使君

出臨汀守承恩重
駟路遥遥幾日程
五馬不辭為郡遠
一麾應是到官清
鄞江地古銅鹽富
閩徼天寒瘴癘輕
但使政平公事少
木樨花下日閑行

霜後燕別

小堂紅燭吐烟清
鐘漏微微出縣城
賞地不堪人又別
離筵莫厭酒頻傾
星河卷幔浮霜影
砧杵誰家起夜聲
明發空江分手去
片帆天外掛離情

奉寄鄭助教

海國霜寒斷雁飛
五門何處整朝衣
鳳臺月色空中白
長樂鐘聲馬上微
中歲一官仍獨冷
西膠三禮似應稀
杜陵別後襟期少
誰共樽中醉落暉

春暮山家

花落閑園杜宇飛
半溪流水映柴扉
茅簷寂寂雲來暝
苔徑蒼蒼客到稀
洞口青猿啼近榻
林間馴鹿息塵機
長安年少多纓冕
不似山中薜荔衣

孟夏山居

卜居曾費買山錢
林下蕭條屋數椽
絕澗垂蘿時見瀑
綠槐殘雨晝聞蟬
潭邊鹿過疑盤谷
嶺口人看似輞川
自是幽栖無外事
閉門閑看養生篇

送人入楚

斗酒官亭醉未休
春江解纜倍離憂
閩關夜月舟中別
夢澤滄波馬上遊
漠漠暮雲變子國
瀟瀟黃鶴漢陽樓
此行若聽王門漏
莫作蘭臺宋玉愁

送邑造士貢京師

柳禪花嬌鶯復飛
臨歧盃酒思依依
沙頭解纜辭親舍
馬上看山入帝畿
禁邸曙鐘驚別夢
橋門新水映行衣
遙知闕下承恩重
六館才名似爾稀

訪僧不值

萬松陰裏隱禪扉
一上中峰入翠微
澗口綠蘿侵岸幘
林端祇樹拂行衣
春城乞食何人到
滄海浮盃更未歸
此度尋僧應不遇
泉聲山影思依依

送人遊溫陵

送君南去柳條新
匹馬蕭蕭滿路塵
天近溫陵常見日
潮歸滄海遠無津
刺桐葉暗千門曙
紫莢花開四座春
聞說此鄉多寶貝
昔時全盛只今貧

客舍清明

杜宇啼來欲暮春
忽逢寒食倍沾巾
萍蹤每恨天涯別
華髮空看鏡裏新
故壠松楸應漸遠
異鄉風景有誰親
經過幾處堪惆悵
渾是山陽笛裏人

上巳遊龍峰精舍

香臺迢遞隱中峰
巾舄行尋避世蹤
勝槩獨將孤鳥狎
幽期還與野僧逢
薜蘿洞口雲沾袖
躑躅溪邊雨翳鐘
回首下方塵土近
落花芳草思重重

題沙堤陳氏園林

佳君住處盡園林
橘刺蘿梢維隱心
雨過沙山侵座冷
春來池水映階深
衣沾菜色霜前屐
簾捲花香月下琴
自喜應無銅墨繫
時時來往得幽尋

暮春遊冶城烏石山

子規啼斷欲春歸，烏石蒼茫入翠微。
鳥道陰陰人語絕，禪房寂寂磬聲稀。
枕榔葉覆經冬雪，躑躅花殘未夕暉。
回首驛程西上路，明朝離別漫沾衣。

夏初籌巖

籌峰迢遞出高林，苔徑蒼蒼洞穴陰。
獨樹斷雲孤鳥下，亂山殘日一蟬吟。
雙溪鹿過泉應碧，丈室僧歸月又深。
幾度欲攜招隱興，綠蘿花處息塵心。

孟夏山中

回溪風泛落花深，啼鴉聲中見綠陰。
半壁白雲浮几席，一簾晴翠襲衣簪。
幽棲也作懷人夢，高卧猶懸戀闕心。
自笑淵明偏愛酒，山林寥落久無金。

送人遊鼓山

靈源洞口白雲飛，君去凭高入翠微。
閩越故城關外小，琉球孤嶼鳥邊微。
天花寂寂逢僧宇，林吹飄飄颺客衣。
若對鳳凰池上月，頓令心地亦忘機。

寄鄭助教兼似胄監諸友

奉詔西遊匹馬遲
金陵山水帝王畿
鄉書見雁休愁寄
官舍聞鶯曉夢歸
白首橋頭聽夜漏
青雲池館醉春衣
遙憐壁水多麟鳳
天子臨雍世所稀

送同志往寺讀書

一燈寒夜掩空門
萬卷經書自討論
身寄河沙離獨劫
心遊洙泗得真源
天花細逐芸香落
法雨微滋帶草寒
知爾逍遙鐘梵裏
學成休負遠天恩

天王寺避暑

溪口長藤半落花，
紺園開士具袈裟。
林端香度禪扉淨，
谷裏雲歸鳥道斜。
冰簟臨風開白榻，
玉盤貯水割甘瓜。
坐來心境微涼夕，
更喜山童解煮茶。

贈丘道士還龍虎山

吹徹瑤笙一鶴東，
只含明月噴芙蓉。
到來滄海樽前雨，
歸去丹丘鳥外峰。
月洞夜涼蟾養魄，
露房秋早鹿生茸。
仙裾玉珮悠悠去，
未擬人間幾日逢。

秋夜飲

殘柳烟空泣露蟬
夜堂紅燭照長筵
門臨一葉秋聲裏
簾卷秋風夕鳥邊
且縱芳樽吟綠水
莫將青鏡嘆流年
興酣耳熱忘頭白
不覺清宵刻漏傳

秋宴御風臺

御風仙珮影沈沈
草滿荒臺翳夕陰
千里滄波天外合
七閩秋色雁邊深
寒花委露沾歌席
殘葉飄風墮客簪
但得玉壺頻有酒
此身長健且登臨

擬遊洞庭

微風孤櫂洞庭遊，千里滄波一鏡秋。
連雁遠，鐘雲夢澤，斷猿殘笛，岳陽樓。
巴陵雨霽，君山出，蜀道冰消，楚水流。
欲弔重瞳，何處是蒼梧，瑤瑟不勝愁。

月夜有懷同志

誰家羌笛暗飛聲，越海城頭片月明。
隣杵不堪霜下聽，塞鴻偏向夜中鳴。
故人久近滄波遠，明鏡愁看白髮生。
幾度相思孤枕夢，滿庭風月不勝情。

金瓶梅詞話卷四
聞王介軒偕諸公登伸蒙巖作

罵巢人去青山在白石巖扉薜荔陰絕澗未霜殘葉爛
半林微照斷雲深蕭條香界無僧迹寂歷寒花見客心
遙想罷官多樂事風流時有謝公吟

送邑造士李良歲貢之京

木落霜寒斷雁鳴六平峰下送君行孤帆杳杳辭親舍
匹馬翩翩入帝京禁邸疎鐘朝珮影橋門孤燭夜書聲
遙憐得桂青霄上應愧山中獨隱名

遊東觀

群山飛翠六平峰
琳館依稀第幾重
心遠獨隨雲鶴去
機閑應共羽人逢
三花影落壇邊樹
五粒春飄石上松
借問仙源在何處
白雲迷却往來蹤

春城送客

江城春半柳依依
客裏相逢又遠違
谷口花深迷去騎
天涯草綠帶行衣
雲開越水千峰出
路繞閩關一雁微
想是故園佳麗地
候門童子喜君歸

將入蜀留別同志

蜀道歌來誰共悲，明朝還是拂征衣。
劔門積雪人行少，棧石連雲鳥度稀。
白帝陵邊春樹盡，錦官城下夕陽微。
舊遊謾有相思夢，萬水千峰幾日歸。

留別方丈友

萍蹤無定暫追攀，又向烟蘿悵別顏。
習靜豈知離思苦，勞生應愧道心閑。
疎鐘遠火舟中夜，獨鶴孤雲夢裏山。
此後相思何處是，寸心遙在翠微間。

擬唐韓君平送長沙李少府入蜀

世路何如蜀道難
臨岐誰不悵離顏
湘潭騎影寒流外
巫峽猿啼夕照間
夜火錦城江上驛
暮雲劔閣鳥邊山
秋來應有相思夢
莫惜音書寄往還

寄博羅林董教

幾年

闕

著儒衣兩度持衡坐
棘闈嶺海路遥歸夢斷
蠻天雁少寄書稀
時清豈嘆官如舊
道在寧憂祿尚微
聞道故人多
鸚薦紛紛環珮滿
王畿

寄寧德林訓迪

憶君時復強登樓，雲樹蒼茫悵別愁。
兩地情多孤夜月，十年官冷舊滄洲。
鶴林山色當盃綠，鮫室潮聲到縣秋。
早晚香名應更達，泮池何事久淹留。

賦得荔枝送人之燕薊

昔年高品滿長安，薊北空聞火劑團。
閩雨帶花飄別路，瘴雲和葉拂征鞍。
離盃醉擘丹砂顆，纖手嬌傳碧玉盤。
明發幽州千里外，竹籠遥寄也應難。

遊廣陵

海門潮落見瓜州雲樹蒼茫馬上遊
千里河山歸禹貢
百重烟水入淮流
蕪城積夢瑤花月
隋苑傷心碧草秋
二十四橋人靜夜
爲誰猶倚木蘭舟

僧房宴別故人還山中

石林祇樹隱層阿
却向空門別奈何
殘燭夜深泉影盡
離筵賓散月明多
還山逸興休魚珮
避世閑蹤卧女蘿
城郭雲林從此別
曉鐘聲裏唱離歌

題冶城開元寺

城裏青山聞梵音
靈源高閣影沈沈
鳥邊祇樹人烟近
象外雲花野照深
苔色滿廊行履迹
月明空界印禪心
自憐人代多氛垢
未得焚香禮遁林

華石上人見過

久淪塵俗愧緇衣
曾是三生石上違
願得遠公留半偈
也令玄度發清機
金沙堤曉香中別
祇樹林深定裏歸
獨鶴孤雲無住著
却令方外故交稀

登冶城萬歲塔

絕頂層標出半天，千山宮宇翠微連。
雲飛百粵滄波外，鳥度千峰夕照邊。
平遠臺空秋珮冷，毘盧閣靜夜燈懸。
屠龍射鱗今何在，蔓草荒陵幾度烟。

擬登金陵鳳凰臺

高臺猶有鳳凰名，臺下金河繞帝庭。
淮水漫流千古恨，鍾山還帶六朝青。
風檣積雨丹陽渡，酒幔寒花白下亭。
欲把一盃招李白，海天霜雁晚冥冥。

擬遊君山寺

獨向巴陵上小舟君山迢遞鏡中浮猿啼古木雲邊迴
鳥度靈花象外幽烟磬夜寒雲夢月天香朝泛洞庭秋
更隨野衲看靈異惆悵皇英墓下遊

秋過紫雲洞

仙源迢遞紫雲間逸興逢秋偶獨攀遼海鶴歸空夜月
瑤臺人去但荒山苔邊積水流天鏡鳥外遙峰點翠鬟
石竹房中孤磬晚此身那似野僧閑

題吳漢津遠遊卷

獨銜君屐出神州
吳楚青山馬上遊
千里關河分禹貢
百城烟水入閩秋
鏡湖鄉夢浮仙槎
鍾阜歸期憶鳳樓
聞道星軺明旦別
王程猶恐久淹留

送劉炷歸菊潭

春深花裏未成歡
何事秋深惜別難
沙堰醒來楓葉變
江潭歸去菊花寒
魚風卷幔鳴琴坐
蚌月臨牕對酒看
此後相思應不遠
也須雙鯉報平安

喜潘元潤至

金沙堤上見潘安，自愧林居尚鶻冠。
明月青山應久別，黃花綠酒又同歡。
空洲日暮孤鴻斷，岐路霜飛遠樹寒。
明到龍江重回首，別離渾是夢中看。

題滄洲野堂卷

白沙門外水粼粼，懶漫還宜漉酒巾。
華髮任隨風葉冷，遠心惟與海鷗馴。
秋經泉石偏多夢，老向丘園有幾人。
聞道壺觴仍愛客，風流能待布衣貧。

二

大堤深樹繞高原漁榜蕪葭接

一作野水
晴烟帶

遠村江上只

留三畝宅人間不記五侯門青林白鳥閑書幌細雨飛
花送酒樽邗得相逢乘一醉故園山水也忘言

草澤狂歌卷四

欽定四庫全書

草澤狂歌卷五

明 王恭 撰

七言絕句

二喬圖

雙娥嬌掩為誰顰
反被榮華誤却身
回首東吳何事業
野煙寒水更愁人

登西石巖不與口占

狂客登山逸興新
欲同清興愧無因此身
得似同林鳥
飛去飛來不屬人

畫馬圖

淮泗雲空苜蓿齊
圍人牽出踏青泥
金輿不戀西池賞
虛負天寒十二蹄

種黃精

手種黃精只半畦
草根時見葉初齊
不知門外殘春雨
多少飛花踏作泥

海市晴雲圖

燕薊雲山王氣收
行人猶自問登舟
祇今海子橋西月
獨照灣河水尚流

山水扇面

茅舍青山少四隣
蕭條苔徑絕紅塵
相逢試問山中事
老向林泉有幾人

二

鳥外垂陽覆石磯
隔江晴翠晒行衣
蒼苔野徑柴門盡

相對雲山共息機

三

夕陽溪上掩荆關
漁浦風村杳靄間
莫學林僧解忘世
有錢莫買沃州山

春山欲雨圖

寂歷青山靜賞機
野情那似宦情微
抱琴欲渡湘江去
雲暗蒼梧雨欲飛

韓信報金漂母

恩沾一飯尚知酬義重網常豈負劉惆悵淮陰何事業
斷煙寒草不勝愁

古木山禽圖

梁王池苑罷經過古木殘雲奈爾何莫放流音空嫋嫋
行人長少夕陽多

雪灘鵝鴻

北風吹雪渡河關家近瀟湘夢亦閑猶勝寒環舊時雀
孤飛正在紇千山

秋水鴛鴦

宮瓦凌秋飛早霜
繡衾暹夜度餘香
自然影落空潭水
不管人間更斷腸

雙美人吹簫

黛娥雙染為誰嬌
長信深沉夜品簫
一曲梁州相倚恨
露花如水上芭蕉

宮人春思圖

君恩那似柳條輕
門外金輿暗度聲
獨立長門春又晚

一簾閑草上階生

早寒

客舍迎寒獨未歸
白雲鄉樹遠依依
西風黃葉如相識
故向山陽笛裏飛

送人之薊丘

憐君迢遞薊門行
匹馬閑嘶問去程
瀘水燕山何日到
秋風吹雨濕金莖

臺城送客之廣陵城

金陵樹裏送行舟二十四橋春水流腸斷瓊花天上去
更無歌管下揚州

憶山中精舍

一從巾舄別林扃清梵香臺夢裏經
遙想秋來風露冷
芭蕉抽葉幾回青

寄越城知己

郡樓寒夜響悲笳夢裏還鄉路益賒
莫道故人消息近
越王潭水即長沙

寓意

南苑花紅北苑稀
美人樓上泣羅衣
同時種樹應皆落
何事秋風却後飛

客中夜雨

孤閣懸燈暗復明
滿林涼雨落秋聲
別來多少湘江水
盡向蒼梧葉上傾

題墨菊蘭

霜落楓林秋氣高
霜煙翠積相臯青
林酒醒西風急

剩寫離情寄楚騷

二

湘江閒唱九歌聲
栗里應辭五斗榮
誰謂風來秋物冷
露黃煙翠不關情

經懷安有感

岳河江水古今流
送盡年光與客愁
莫嘆寒門空草色
五陵佳氣散成秋

水墨蒲萄

西塞秋風寒露飛
草龍珠帳正依依
不知五馬緣何事
轉羨涼州一斗微

題猿圖

西風殘葉響秋江
樹杪青猿挂影雙
因憶孤舟經峽口
數聲隨雨落篷窗

題小景山水

雲山迢遞樹蒼蒼
春水微茫帶野航
欲傍漁郎深隱去
武陵雖好是他鄉

口占寄友

青草平湖白鷺飛
石門煙樹半晴暉
菊潭對酒閑垂幌
誰向籌峯共採薇

彥魁題梅

霜花映水夜含虛
畫角聲中片月孤
一自羅浮清夢覺
又隨香影到西湖

明老題梅

東閣高人不見尋
孤芳只合老山林
知心尚有青天月

照見歲寒冰雪心

題茅齋霜月

猿斷霜空燭影微
半林孤月掩荆扉
五陵年少皆纓冕
何事寒山獨布衣

野航風雨

楓樹蕭蕭野水西
楚天雲雨正淒淒
滄江欲暮風猶急
誰泛扁舟更出溪

題木芙蓉

西風吹袖玉顏酡
搖落秋襟奈爾何
一自雁池清賞後
梁王賓客已無多

林彥衡典教因山余以墨竹寄之因題于上

好是簞管玉一枝
露寒金薤影離離
泮林官冷閑看畫
知爾家園落夢思

白蓮圖為鄱陽戴處警賦

素襪凌波綠錦裳
參差環珮夜微涼
青芬已在瑤池上
况是承恩雨露香

書雲山小景

野杖閑行日未曛
商歌休使世人聞
生平寂是知心者
祇有青山共白雲

胡人牧馬圖

海子橋邊卸馬鞍
燕山秋草色漫漫
百年王氣和煙散
往事空從畫裏看

暮春雨中作

簾前花落杜鵑鳴
棕葉蕭蕭半雨聲
迢遞故園歸未得

天涯芳草摠關情

登鳳凰山仙人梯

鶴山吹笙去不還
空留梯石白雲間
塵凡自愧無仙骨
獨對巖扉試一攀

道邊松

驛畔長松幾百秋
行人到此也生愁
最憐每被官軍斫
滿地寒膠作淚流

擬遊天台山

赤城霞氣映層標
華頂遙臨見石橋
更到謝公登覽處
泉聲山影晚蕭蕭

送人歸蜀

蜀棧凌雲不見行
劍門煙樹最關情
君家正在魚鳧國
出盡平川是錦城

二

劍門西望蜀江流
白帝城邊葉未秋
歸到山林何事業
木棉花發杜鵑愁

漁樵清話

樵歌日日出林扉
贏得身閑坐釣磯
莫向相逢笑貧薄
人生此樂也應稀

摘蘭

寂寞深林野水濱
可憐開落不逢人
知音更有誰堪贈
持與湘南放逐臣

夏夜舟中

碧潭遙夜小孤舟
涼月清風摠是秋
何事故人千里外

江楓漁火共關愁

碧筒歌

試折青筒當玉觴
綠莖通處瀉瓊漿
幾回醉買西湖月
卧載蓮舟夢亦香

題秋江待渡扇面

孤庭楓樹暮江頭
何事匆匆逐去舟
莫向瞿塘灘下過
兩崖明月斷猿愁

山樓晚坐有懷同志

綠蘿煙暝夕陽收
何處猿啼更倚樓
京國故人分別久
楚雲湘水共闌愁

山莊獨夜

草屋殘燈夜轉深
竹邊螢火照孤吟
青山歷歷猿啼斷
儲葉蕭蕭月滿林

遠浦歸帆

遠浦歸舟鳥外還
棹歌迢遞過前灘
丹楓樹裏帆初落
多少青山夕照間

秋山暮歸

枕柳枝上夕陽微
寂歷秋風吹葛衣
回首前溪燈火起
陰蟲聲裏扣荆扉

二

白雲迢遞亂峯深
谷口斜暉轉樹林
歸到茅齋燈火夕
不堪黃葉與秋砧

秋日遊皇恩寺

蓮宇經臺花正香
白雲深映竹邊房
清遊惜共林僧別

行聽微鐘到學堂

春江送客

江亭春樹曉蒼蒼
樹裏鶯啼也斷腸
三疊陽關須盡醉
東城門外是他鄉

山居即事

門掩青峯野水間
綠蘿花暝鳥飛還
紛紛車馬紅塵裡
何似仙家半日閑

古鏡

匣裡菱花重百金
重重磨洗畏塵侵
六宮只辨嬾妍色
不照孤臣一片心

送人從軍永寧

忍淚含淒別四隣
溫陵南去柳條新
殷勤試問邊城卒
年少封侯有幾人

采桑

玉腕羅裙陌上桑
南枝裊裊北枝長
殷勤為謝青雲客
莫把黃金買路傍

寄山中人

佳君住處在深山
高卧林扉日日閑
借問松間雙白鶴
何時相問到人間

暮春田家

鶉鳩低傍野田飛
布穀聲中半掩扉
不願五陵衣馬貴
但令州縣往來稀

夜投山館

野館殘燈暗復明
子規聲裡客愁生
綠蘿洞口三更月

何限鄉山萬里情

聽雨

中酒空齋醉不眠
蕭蕭鳴雨暮春天
自憐葉葉芭蕉裏
擬是吳山半夜船

送人歸覲

天涯長望白雲飛
此日憐君暫得歸
好是鄉園春雨後
落花風裏舞斑衣

暮春雨中作

湘簾卷盡思悠悠目斷遙天雨未收莫道故園無別恨
落花流水也關愁

送嶼南林虛白歸

情深那忍送君還海嶼南隅雨未乾歸見渭陽如借問
為言孫子寄平安

梅城曉角

玉壺淋盡報殘更嗚咽營門幾度聲明發不堪回首處
梅花零落滿江城

二

城烏啼斷海東頭
三弄梅花起戍樓
誰向營門看月色
聲聲都是別離愁

飲酒言懷

竹亭花徑小
闌干綠酒新
詩且共歡
浮世相逢須盡醉
青雲都向命中看

雨後登南樓

雨過晴樓獨上遲
海雲江樹遠含滋
繁華盡逐東流水

惟有前山似昔時

折荼蘼

手挽長條刺拂衣
淡黃踈白共芳菲
五陵年少無拘繫
落盡殘香未肯歸

贈釋子赴闕

遠隨飛錫過闌闌
迢遞吳山共楚山
遙想禁墀清梵曉
泠泠鐘磬五雲間

王昭君

行辭女伴出深宮
玉淚雙垂向白龍
幾度氍毹歌酒夜
胡王空惜舊時宮

田家夜雨

山雨瀟瀟靜掩門
績燈影裏戲兒孫
棕櫚葉上聲聲好
不似天涯斷客魂

經山中舊宅

柴門空掩樹陰陰
積雨荒苔路更深
自是塵中那久住
白雲流水更關心

四月東湖泛舟

行花風裊斷烟微
共看蘭舟汎夕暉
蓬下美人歌白苧
綠荷深裏白鷗飛

貧士

百金費盡不羞貧
斂足衡門幾度春
昨日東風南陌上
看花多是五陵人

野寺尼

情憶閨中悟已深
空門纔到更澄心
楞伽讀罷禪初定

野鳥林猿只共吟

送人下第歸桐城

青雲失路欲沾巾
陌上愁看得意人
歸去青原山下路
野花啼鳥故園春

江城夕眺

江頭獨樹起孤烟
江上雲開雉堞連
芳艸萋萋歸鳥沒
望鄉猶在夕陽邊

林塘夏夕有懷同志

野樹踈藤覆夕陰
半池殘水夏涼深
相思幾度空惆悵
林下何時再盍簪

釣溪

山下清溪月樣灣
孤衣孤坐一絲閑
五陵年少誰家子
白馬翩翩自往還

池館新秋

西風池館早涼歸
梧樹蕭蕭一葉飛
誰道秋來悲宋玉
江南遊子更沾衣

田家新釀

數畝山田沉一秋釀成寧羨醉鄉侯興來獨共鄰翁酌
不問農家識字遊

秋日郊行

獨扶殘醉出江城原野西風萬葉聲日暮關河似秋水
蕭蕭鴻雁不勝情

西園賞菊

秋風蕭瑟過重陽黃菊花開酒正香人世相逢須盡醉

牛山何必涕沾裳

節後黃花

節去東籬花漸衰
紛紛蜂蝶不須疑
蕭條更有餘香在
不比梁園二月時

暮秋喜友人自京回

秋風黃葉雁臨闕
客路微霜感別顏
莫嘆故園芳草積
西湖能有幾人還

秋山行旅

寂歷高秋亂葉飛
斷猿聲裏日初微
自憐萬里長為客
猶向西風著布衣

碧筒飲

翡翠盤深瀉綠波
曲莖微滲藕香多
寄言河朔流連飲
莫把黃金鑄線羅

瘦馬圖

曾是瑤池弄影嘶
病來無復錦障泥
只令毛骨多消減
空對寒原百草齊

山樓晚坐有懷同志

松下樓高入翠微
望中山水有晴暉
空林月出溪聲冷
何事知心與願違

新秋送別

故人此別隔關河
況復新秋一雁過
明日征帆何處泊
斷蟬衰柳夕陽多

送僧遊方

東林溪上暮雲飛
寶地焚香送衲衣
行處不須勞借問

野花山鳥即禪機

聽雨

枕椰葉底夜聲寒
鄉思無由夢裏看
明發不堪江上望
蒼梧雲盡水漫漫

送道士赴闕試經

仙遊何必悵離心
楚水吳山鶴上吟
更想清晨誦經處
蓬萊宮殿五雲深

題水墨蘆雁

秋水黃蘆山月明
同來兄弟最多情
飛時莫近瀟湘浦
二十五絃腸斷聲

暮秋送客之塞上

臨歧盃酒若為情
楓葉蕭蕭獨雁鳴
萬里關河秋色裏
憐君何日到邊城

寒齋留客

山中酒熟蠓初肥
寂寞憐君問竹扉
莫為家貧便分手
出門應是故人稀

冶城送人之金陵

越王臺下送離觴
回首關河路渺茫
別後相思孤笛夜
鳳凰臺下有微霜

冬獵

搖落霜天百草空
羽林年少灞陵東
彎弓射殺平原鹿
笑入吳姬酒館中

溪行逢霜

蕭條客路度微溪
昨夜清霜印馬蹄
楓葉梅花愁望斷

更堪林外野猿啼

雨後秋山

遙天雨過亂山蒼
千樹高原葉盡黃
惟有西風松栢裏
白雲深閉野僧房

客中見新雁

西風初別塞垣秋
迢遞分飛楚水頭
客裏心驚那忍見
故園兄弟更闌愁

秋日郊行

荒原蕭索葉皆稀
海底孤城掛落暉
時事滿懷吟不盡
西風吹冷薜蘿衣

客中見孤雁有感

江燕逢秋去漸稀
明朝回首是烏衣
獨憐滄海人流落
猶向西風嘆未歸

雨中秋思

西風微雨對空堂
門柳蕭蕭葉盡黃
江海親朋零落盡
寂寥燈下倍淒涼

九月二日見菊蕊尚青偶賦

野杖閑行過短籬
葉間青蕊尚開遲
年年九日龍山會
恨殺黃花未滿枝

鵲鴿

雲齊千里競高飛
風引鈴聲落翠微
幾度月明霜冷夜
飄零猶認主人歸

木芙蓉

小池霜冷藕花空
却有寒枝浥露紅
莫恨芳容生獨晚


好隨黃菊傲西風

秋暮喜友人自京還

黃花蕭索暮寒催
千里憐君此日迴
自說月明霜冷夜
相思曾倚鳳凰臺

秋窗睡覺

西風烏桕葉先零
黃菊盃深酒未醒
何處砧聲忽驚覺
露華明月滿中庭



草澤狂歌卷五